


2023-MUT MISSINGERSUUTIT



AVANNAATA KOMMUNIA

www.avannaata.gl



Indhold:

Tamakkiisumik takussutissiaq	2
Allaffissorneq:.....	3
Iseritassat:	5
Aningaasat nikerarnerat:	5
Teknikkimut tunngasut:	6
Pilersuineq:.....	7
Sanaartungassanut tunngasut:	8
Inuussutissarsiornermi tunngasut:.....	14
Ilaqutareeqarnermut tunngasut:.....	16
Inerisaanermut tunngasut:	20

Tamakkiisumik takussutissiaq

Akissaaffik	Missingersuutitut siunnersuut 1	Missingersuutit	Ukiut missingersuusiorffusut		
	2023	2023	2024	2025	2026
Allaffissornermi sammisat	172.879	169.714	178.006	178.006	178.006
Teknikkeqarnermi sammisat	50.217	49.474	47.003	47.003	47.003
Inuusutissarsiornermi sammisat	26.619	26.619	24.849	24.849	24.849
Ilaqutareeqarnermi sammisat	329.716	326.178	332.179	332.179	332.179
Ineriartortitsinermi sammisat	321.196	311.354	305.499	305.499	305.499
Pilersuinermi sammisat	15.674	15.174	8.856	8.856	8.856
Ingerlatsinermit aningaasartuutit	916.301	898.513	896.392	896.392	896.392
Sanaartornermi sammisat	111.297	79.747	113.708	113.708	113.708
Ingerlatsinermi aamma sanaartornermi aningaasartuutit	1.027.598	978.260	1.010.100	1.010.100	1.010.100
Isertitat	-973.439	-996.928	-1.055.009	-1.083.874	-1.113.528
Natsorsuutit inernerat sioqqullugu angusat	54.158	-18.668	-44.909	-73.774	-103.428
Natsorsuutit inerneranni sammisat	14.887	14.887	14.906	14.927	14.948
Ukiumi angusat	69.045	-3.781	-30.003	-58.847	-88.480
Ukiup aallartinnerani karsimi uninngasuutit	27.797	27.797	31.578	61.581	120.428
Ukiup naanerani karsimi uninngasuutit	-41.249	31.578	61.581	120.428	208.907

Ukioq 2023-mi missingersuutit aammalu 2024-miik 2026-mut missiliuutit ataani tulliuuttumi atuarneqarsinnaapput.

Allaffissorneq:

ALLAFFISSORNEQ	Missingersuutit	Ukiut missingersuusiorfusut		
	2023	2024	2025	2026
Qinikkanut aningaasaliissutit	16.663	16.680	16.680	16.680
Allaffissornikkut ingerlatsineq	123.709	126.015	126.015	126.015
Kantine	0	0	0	0
Qarasaasiaqarneq	15.954	15.954	15.954	15.954
Akimorlugu ingerlatsiviusumi	13.388	14.229	14.229	14.229
ALLAFFISSORNEQ	169.714	172.878	172.878	172.878

Politikkikkut aningaasaliissutit

Kommunalbestyrelsen aaliangiussaa naapertorlugu ukiumut ataasiarluni Ilulissat avataani najuulluni ataatsimiittarneq aammalu Ataatsimiititaliat ukiumut ataasiarlutik angalasarnissaat uani missingersuutini ilanngunneqarput, akissarsiat, angalanerit, ullormusiat allatullu politikkikkut tunngaveqartut ataavartumik aningaasartuutaasartut ilanngunneqarput, taamatullu Borgmesterip tulliattut aningaasarsiasat ilanngunneqarput. Ukiut tamaasa Aningaasaqarnermut Ataatsimiititaliap ataani ileqaarisooqartarpoq immikkut aningaasaliissutaasuni pisoqassatillugu, ukioq 2023-mullu 2,5 mio.-nit immikkoortinneqarput. Nunaqarfinni siulersuisut sulinerminni aningaasartuutaasartut saniatigut immikkut missingersuusiortoqarpoq kr. 0,7 mio.-ninik, tassani pilersaarutaalluni siulersuisut tamarmik pikkorissartinneqarnissaat ukioq 2022- mi pinngitsoormat ukioq 2023-p aallartinnerani pisussanngorlugu aningaasalerneqarluni. Pisut naatsorsuutaanngitsumik allanngussappata aningaasaliissutit nalilersorneqaaqqissapput.

Allaffissornikkut aningaasaliissutit

Sulisooqarnikkut aningaasarsiatigut qaffaassutaasut taamatullu SIK-p isumaqatigiissutaani qaffaassutit ukioq 2022-mi pisut aningaasarsiaqarnermut isumaqatigiissutini 8 %-mik immikkut qaffannerpaajusut missingersuusiordermi ilanngunneqarput. Kiassarnermut orsussamat, pisiassat akiinut qaffanermut assartuinerimullu qaffaassutit P/L-reguleringsi naapertorlugu 2,85%-mik missingersuusiordermi tunaartarisanut nalilersuinermi atuutsinneqarput ukioq 2023-mut.

Allaffissornikkut immikkut eqqaasassat

Atorfiit atorunnaarsinneqartut pisortat pingasut, tassa pilersaarusiordermut pisortaq, Majoriap ingerlanneqarneranut pisortaq kiisalu Attaveqarnermut pisortap soraarneranut aningaasarsiat peereerlugit kr. 3,015 mio.-niusut allannguutaapput missingersuusiorderfiusumi.

Taamaattorli allattoqarfik inerisaalluni aamma suliaqarpoq piffissaq ungasinnerusoq eqqarsaatigalugu qarasaasiaq atorlugu sullinneqartussa qumikkaluaruniluunnit sullinneqarsinnaanermut nutaat inerisarneqarpoq pisaariillisaallunilu, tassungalu atatillugu sullissivinni illoqarfinniittuni allannguisoqarpoq Ilulissani atorfik nutaaq fuldmægtigut, Ummannamilu atorfiit marluk aqutsisutut aammalu fuldmægtigut pilersinneqarput, tassanili assistent aamma overassistent-tut atorfiit atorunnaarlutik, nikingassutaasut kr. 44.000-t missaat uani qaffaataapput. Atorfiit nutaat marluk stabschef-tut naleqartut kr. 1,440 mio.-nit missaat aamma ilanngunneqarput, taannalu punktumi tulliuttumi immikkut allaaserineqarpoq. Taamatutaaq juni 2022-mi Aningaasaqarnermut Ataatsimiititaliap akuerivaa IT-qarfik pisortaqaalissasoq, taannalu missingersuusiorderfiusumi aningaasarsiatigut tamakkiisumik aaqinneqarput.

Upernavimmi inissaaleqineq tungaavigalugu aamma immikkut attartarluta sulisunut inissamik ukiumi missingersuusiorderfiusumi ilanngunneqarpoq, allatigut inissaqartitsineq pisinnaanngimmat.

IT-qarnermut aningaasaliissutit

Oqarasuaateqarnermut internet-qarnermullu qitiusumik suliaq suli ingerlanneqarpoq, pingaartumik nunaqarfinni Qaanaamilu. Taamaattumik Tusass nutarterinermini Avaannaata Kommuniani WI-FI-lersuinerit kabelinillu nusutsinerit suliasat ingerlatissavaat nangeqqillugit. Taassumalli aningaasartuutaat uani aamma ingerlanneqarput, naak ingerlatsivinni pinikuusaraluartut, Ipad projekteqarnermi meeqqeriveqarfinnut

aningsaasaliissutini kisimi nuutsitsisoqarnikuuvoq, sinnerini uani tamarmik nammanneqarlutik. Oqarasuaateqarnermullu Tusass nalunaaruteqarnikuuvoq Analog telefoni atorunnaassasut ukioq manna, taannali kingusinnerusukkut nalunaarutigineqarpoq atorunnaarsitsinissaq ulluligaanngitsumik kinguartikkallarneqartoq, IP telefoniinngornissaanut, uanilu Qaanaaq nunaqarfiillu tamarmik pineqarput. Internet-qarnermi oqarasuaateqarnermi INU:It-mit ingerlanneqarpoq, maannalu Tusass taassuma nalaanut neqerooruteqarnissaa utaqqiinneqaleqqavoq ikaarsaartinneqarnissaanut. Sionratigut Lanlink atorneqartarallarmata ingerlatsivinni nammineq akilersorneqartarput, atorunnaariartorneranili WI-FI-nik institutionit pilersorneqarput IT-llu ataani akilersorneqalerluni. Tassa Illoqarfiit (Qaanaaq minillugu) INU:IT-mut akilersorneqarput, nunaqarfiillu Qaanaaq ilanngullugu sulii Tusass-mut akilersorneqarlutik. Taamatullu Software-t pioreersut aamma uani akilersorneqarput, nutaatullu pilersinneqartussaq isumaqatigiissutinut katersuuffiusussaq (Toreersaasussaq, nakkutilliisussarlu), taannalu ateqarpoq Complete Control 5, akeqarluni ukiumut kr. 0,192 mio. saniatigullu hardware-t software-llu pilersinneqassapput. MIT-ID eqqunneqarnerani aamma annertuumik piumasaqaatitaqarpoq, ilaatigut ukiut tamaasa atuisut sillimaniarnissamat pikkorissartinneqartarnissaannik, tassungalu ilutigalugu IT-lerisut pikkorissaasassapput angalanikkut. Tassani ingerlatsivimmi kukkunersiuisut siunnersuuteqarput IT-qarneq illoqarfikkuutaartumik ingerlanneqarnera ataatsimuulersinneqarnissaannik, allattoqarfiillu aamma ukioq 2023-miik aningsaasartuutiniq nalunaarsuisarneq ataatsimoorussamik allannngortissavaa. Ataatsimoorussamik systemeqarnermi Inussuk-It aqutigalugu akiliutaasussat ilanngunneqarput. Tassani suliat ingerlanneqartut pineqarlutik, Vagtplansregistrering, Tidsregistrering, Social fagl. App, ESDH, ERP system, Mindkey HR-system taamatullu suleriaatsimik allaaserinninnermi system GLUU-mik atilik licensillu. Katillugit Inussuk-IT allatoqarfimmut akiliutigineqassapput kr. 5,0 mio. taakunanilu qulaani taaneqarneratuut fakturannngorlugit kr. 3 mio.-t aammalu kr. 2 mio. bloktilskud-kkut akilerneqassallutik.

[Akimorlugu suliffiusuni](#)

KANUNUPE-mut aningsaasaliissutit nikingillat ukiumut kr. 94.000-niusarlutik. Pilersaarusionermut ukiup siulianut naleqqiullugu annikinnerupput, avataani suliaqartitsisarnermi ilai nammineq suliarineqartalernikuummata kr. 0,770 mio.-nininik aningsaasalerneqarpoq ukiup siuliani kr. 1,4 mio.-niunikuugaluartut. UNESCO-qarnermullu aningsaasartuuteqartarneq aamma appariornikuuvoq kr. 0,225 mio.-nininik missingersuusiorneqarluni. Sillimasiinikkut missingersuutit kr. 4,3 mio.-nininut inissinneqarpoq sillimmaserneqartut akigitallu ilisimaneqartut tunngavigalugit inissinneqarluni.

Isertitassat:

ISERTITAT	Missingersuutit	Ukiut missingersuusiorfiusut		
	2023	2024	2025	2026
Inummut namminermit akileraarutit	-420.886	-420.886	-420.886	-420.886
Ingerlatseqatigiiffiit akileraarutaat	-3.500	-3.500	-3.500	-3.500
Tamanut tapiissutit matussusiinerillu	-552.843	-552.843	-552.843	-552.843
Ermiat, pigisanit iluanaarutit kiisalu aningaasat naliginin annaasaqaatit	-3.210	-3.210	-3.210	-3.210
Isertitat allat	-1.000	-1.000	-1.000	-1.000
Naleerutsitsineq	8.000	8.000	8.000	8.000
ISERTITAT	-973.439	-973.439	-973.439	-973.439

Isertitat

Akileraarutigut isertitassatut Akileraartarnermut pisortaqarfimmiik nalunaarutigineqartut tunngavigalugit missingerneqarput, katillugit kr. 444,1 mio.-nit.

Tapiissutitigut ukioq 2022-mut naleqqiullugu kr. 5,4 mio.-niniq qaffasinnerupput kr. 552,8 mio.-niullutik, aningaasaqarnermullu inatsit tunngavigalugu inissinneqarput.

Ernianut gebyr-nullu aningaasartuutissat attartukkat aammalu pisiniartarfiusunut erniatigut gebyr-tigullu naatsorsorneri malillugit missingerneqarput.

Aningaasat nikerarnerat:

ANINGAASAT NIKERARNERAT	Missingersuutit	Ukiut missingersuusiorfiusut		
	2023	2024	2025	2026
Pigisat nalillit (Aktiver)	12.834	12.834	12.834	12.834
Akiitsut taarsersukkallu (Passiver)	2.053	2.072	2.093	2.114
ANINGAASAT NIKERARNERAT	14.887	14.906	14.927	14.948

Pigisat nalillit (Aktiver)

Illuliornissamut tapiissutini aningaasaqarnermut inatsiti ukioq 2023-moortoq tunngavigalugu kr. 12,8 mio.-niniq inissinneqarpoq. Taakkunanani illuliornissamut tapiiffigineqarnikut akiligassaat kr. 1,0 mio.-nit aamma missingerneqarput.

Akiitsut taarsersukkallu (Passiver)

Asfaltiummut pisinermi attartukkat maannamut kr. 9,2 mio.-niusuni taarsersornerisa Grønlandsbankimut aningaasarta kr. 1,680 mio.-nit aammalu Kulturhus Upernavimmi Lokale- og Anlægsfond-mut attartukkat maannamut kr. 1,6 mio.-niusuni taarsersornerisa kr. 0,472 mio. aningaasaliiffigineqarput.

Teknikkimut tunngasut:

TEKNIKKEQARNERMUT SANAARTORNERMULLU INGERLATSIVIK	Missingersuutit	Ukiut missingersuusiorfiusut		
	2023	2024	2025	2026
Aqqusernit, ikaartarfiit, il.il.	4.275	4.818	4.818	4.818
Saliineq, aputaajaaneq	5.943	5.943	5.943	5.943
Qimmit pigisat & uumasupiluaanerit	2.244	2.244	2.244	2.244
Kommunip suliffii assigiinngitsut	4.300	4.300	4.300	4.300
Qatserisarfiit	13.043	13.043	13.043	13.043
Teknikkikkut suliffiit sinneri	19.669	19.869	19.869	19.869
TEKNIKKEQARNERMUT SANAARTORNERMULLU INGERLATSIVIK	49.474	50.217	50.217	50.217

Teknikkimut tunngasut

Tamakkiisumik Politikkikkut ukioq 2022-mili suliassat aaliangiunneqartut, piviusunngortinneqarpata aamma ataavartumillu ingerlanneqarpata, ingerlatsinermut aningaasaliissutini sunniuteqarput. Pakkemaskinanut pisinermi, ammasumi ikuallaanermi aammalu angallatinut ingerlanneqarneranut inatsisitigut piumasaqaataavoq atortoqarnissaq. Uani suliat pingaarnertut pineqarput tigooraaviit ingerlatsiviani eqqagassalerinerup iluani. Eqqagassalerinerup iluani piumasaqaataasut anguniakkallu imminnut naapertuupput.

Ukioq manna missingersuuserisarnermut naatsorsuuserisarnermullu inatsit nutaaq atuutilersoq tunngavigalugu missingersuutit suliarineqarput. Inatsimilu piumasaqaataavoq ukiumut aningaasartuutit 1 %-mik, ukiunulu sisamanut 2 % qaffanneqarsinnaasut, ineqarnermut, inuusuttisarsiornermut angallannikuulluunniit immikkut suliniuteqartoqartillu Naalackersuisunut sinaakkutsisamiik qaffasinnerusumik qinnuteqarnikkut periarfissaalluni. 2023-mi missingersuutitut killiliussatut aaliangersakkat *Tekniske område*-mut 45,983 mio kr.-nit taavalu *Forsyningvirksomhed*-mut 8,664 mio. kr.-nit ingerlatsinissamut nutaajusumut aningaasat tagginneqartut taakkuunginnarnissaat pisinnaasimangilaq.

Ukioq 2022-mi suliat assigiinngitsut teknikkikkut sullivinni missingersuutininik iluarsaasissoqarpoq taamatuttaaq ukioq 2023-mi nalimmassaqqinneqarput. Atortut nutaaq ukioq 2022-mi sumiiffinni assigiinngitsuni kr. 10,0 mio.-ninik aningaasaliiffineqarnerani ingerlanneqarnissaanut aamma missingersuutitut nalimmassaasoqarpoq. Ukioq 2022-mut naleqqiullugu pisariillisaanermi aammalu atortunik pitaartornermi ingerlatinermut naatsorsuutigineqarpoq sipaaruteqarsinnaalluni aserfallatsaaliinermut atornerqartartut kr. Katillugit 0,874 mio.-ninik, taamaattorli angallanikkut akitigut aammalu kiassarnikkut pisiassatillugu akitsuinerit sillimaffineqarlutik.

Sulissoqarnikkut akunnermusiallit akigititaannut aamma nutaanik atuutsitsilernissaq suliarineqarpoq sulisussaaleqisarneq millisinniarlugu, uanilu ilaapput pikkorissaasarnert.

Qaanaami qimmilerisunik marlunnik sulisoqalernerani missingersuutit aamma nalimmassarneqarput.

Pilersuineq:

PILERSUIFFIIT	Missingersuutit	Ukiut missingersuusiorfiusut		
	2023	2024	2025	2026
Eqqakkat il.il.	11.680	11.980	11.980	11.980
Pilersuiffiit allat	3.494	3.694	3.694	3.694
PILERSUIFFIIT	15.174	15.674	15.674	15.674

Pilersuineq

Tamakkiisumik konto qaffaateqarpoq eqqagassalerinerup iluani aammalu tigooraavinni. Ammasumi ikuaallanermi pingaartumillu pakkemaskinanit pisinermi aammalu eqqagassat angallanneqarnerini sulisut atortoqarnissaat piumasaqaataavoq. Tamakkiisumik konto qaffaateqarpoq kr. 5,4 mio. Taamaattorli pilersuinerup iluani annikitsunik allani nassaartoqarpoq.

Missingersuutilerinermut sinaakkutissaq malernaatinniarlugu aammalu atortunik nutaanik pitaartornermi aserfallatsaaliinermut aningaasartuutaasartut milliallannissaat naatsorsuutigalugu missingersuusiorneq ingerlanneqarpoq. Aammalu Ilulissani Ummannamilu eqqaaveqarnikkut atortutigut pisariillisaanermik missingersuutissat nalimmassarneqarput. Nunaqarfiit uani ukioq 2022-mituulli missingerneqarput naak piffissami tassani atuneq annikinnerugaluartoq eqqaaveqarnikkut allangortiterinissaq siunnertarlugu ukioq 2023-mut allangortinneqanngillat assartuisarnissaq pilersinneqarnissaa sulissutaammat. Taamatuttaarlu uani sulisoqarnikkut akunnermusiallit akigititaannut aamma nutaanik atuutsitsilernissaq suliarineqarpoq sulisussaaleqisarneq millisinniarlugu, uanilu aamma ilaapput pikkorissaasarnerit.

Qaanaap eqqaanut atuuttussamik amaqqunut aallaasanut akiliutit allasimaffianni akiliummik eqqussisoqarsinnaaneranik ataatsimiititaliap ingerlatsisoqarfik misissueqqusimavaa. Tamaani amarorniarneq inerteqqutaanngilaq, suliasaqarfiusumulli tassunga piviusuusussamik akiliummut arlaannik akornuteqartoqarsinnaanera pillugu Namminersorlutik Oqartussat nalunaaruteqarniarlutik neriorsuisimapput

Sanaartungassanut tunngasut:

Sanaartornermut immikkoortoqarfiup 2023-mut sanaartornissamut missingersuutitut siunnersuut saqqummiuppaa. Pineqartoq ataatsimiititaliap isummerfiggissavaa, tamatumalu kingornatigut oqaluuserisassaq Aningaasaqarnermut ataatsimiititaliami oqaluusereqqitassanngorlugu nassiuuneqassaaq.

Missingersuutissatut siunnersuutit aappaanni 2023-mi sanaartornermut missingersuutini annertuumik sipaaruteqarnissaq apeqqutigineqarpoq. Sipaarutissaq missingersuutit pillugit isumasioqatigiinnermi oqaluuserineqarpoq, tassani suliniutit tullinnguuttut akuerineqarlutik. Tamanna kr. 31.550-inik sipaaruteqarnissamik kinguneqarpoq. Suliniutit nutartikkat suliniutit D-ni takuneqarsinnaapput. Taamaalilluni aningaasaliissutissanut pingaarnertut sanaartornermut missingersuutaasoq maannakkut tassaapoq kr. 79.747.

Tunngavik

2023-mut sanaartornermut missingersuutitut toqqammavik koruunit 111.297-nut aalajangerneqarsimavoq. Tassunga 2022-mit aningaasaliissutit sinneruttut nuunneri ilanngunneqarput. Ataani suliniutit sisamat tulleriaarneqarput, imatut nassuiaatitallit:

Suliniut A, tassaniillutik suliniutit naammassinissaat anguneqarsinnaasimanngitsut; taakkunanit aningaasaliissutit sinneri nuunneqassapput.

Suliniut B, tassaasut isumaqatigiissutinik tunngaveqartutut kommunip isumagisassaatus suliniutit pilersaarutigisat.

Suliniut C, tassaasut suliniutit aningaasaliissutit aqutugalugit aningaasalersugaasut, Namminersorlutik Oqartussat.

Suliniut D, tassaasut suliniutit inassutigineqartut.

A) Nuussuinerit inernilinerit, A-mik suliniutit:

2023-mut missingersuummut aningaasat atorsimanngisat nuunnissaannut naleqqiullugu tapiliutitut aningaasaliissutit teknikkimut ataatsimiititaliap qinnuteqarfiggissagai sanaartornermut ingerlatsiviup inassutigaa. Suliniutit makku tassani pineqarput:

Suliniut	Sinneri
Meeqquerivik, Tasiusaq	2.300
Meeraaqqerivittaartutut meeqqerivik, Ilulissat	900
Nunaqarfinni atuarfiit iluarsaanneri	2.000
Atuarfik, Oqaatsut	1.500
Atuarfik, Ukkusissat	500
Atuarfik, Tasiusaq	1.300
Atuarfik, Qaanaaq	1.600
Utoqqaat illuat, Ilulissat	500
Utoqqarnut inissiat, Ukkusissat	1.900
Sanaartorfiggissaaneq, Uummannaq	300
Sanaartorfiggissaaneq, Upernavik	1.500
Eqqaavissuup nuunna, Aappilattoq	700
Fritidshjemmi, Ilulissat	3.500
Mittarfimmut aqqusineq, Ilulissat	3.500
Pisuinnaat aqputaat kaajallattarfillu, Ilulissat	1.100
Ungdomsklubbi, Qaanaaq	1.000
Inissiat nalinginnarmik iluaqutaasussat A32, Ilulissat	3.000
Ilinniartitsisup illua, Qeqertaq	500
Ilinniartitsisup illua, Saattut	600
Katillugit	28.200

B) Ukiunut missiliorfiusunut inerniliinerit, B-mik suliniutit:

Suliniutit makku ingerlanneqartussaapput, sanaartornermullu kontomiissapput:

Suliniut	Amigaataasut
Innaarsunni atuarfik nutaaq	2.419
Meeqquerivik, Tasiusaq	3.500
Fritidshjemmi, Ilulissat	4.029
Upernavimmi utoqqaat illuata allinera	1.803
Sanaartorfigissaaneq, Upernavik 1.373 Avatangiisinut Aningaasaateqarfik	1.500
	Katillugit 14.624

C) Namminersorlutik Oqartussanit aningaasaliiffigisatut sanaartornissamut suliniutinut ininiliinerit, Cmik suliniutit:

Suliniutit tullinnguuttut sanaartornermut kontomiissapput, aningasat tapiissutit aqqugalugit pissarsiaapput:

Suliniut	Missingersuut
Nunaqarfinnut isorliunerusunullu inissialiornermi pisussat	8.629
Eqqakkat aqquataannik iluarsaanerit	2.044
Atualernej siqqullugu ingerlatsiviit atuarfiillu sanaartornissaat	22.948
	Katillugit 33.621

Namminersorlutik Oqartussanit aningaasaliissutit sanaarnermi suliniutinut tullinnguuttunut agguataarnissaat inassutigineqarpoq:

Suliniut	Missingersuut
Ilinniartitsisup illua, Qeqertat	2.000
Ilinniartitsisut illui, Saattut	4.129
Ilinniartitsisup illua, Nuussuaq	500
Illu sullissivik, Upernavik Kujalleq	2.000
Kuuffissuarnik iluarsaanerit, Ummannaq	2.044
Innaarsunni atuarfik nutaaq	2.419
Meeqquerivik, Tasiusaq	3.500
Fritidshjemmi, Ilulissat	4.029
Meeraaqqerivittaartutut meeqqerivik, Ilulissat	10.000
Atuarfimmik iluarsaassineq, Tasiusaq	1.000
Atuarfimmik iluarsaassineq, Qaanaaq	2.000
	Katillugit 33.621

Ingerlariaqqinnissaq

Oqaluuserisaq aningaasaqarnermut ataatsimiititaliami suliareqqitassanngorlugu nassiunneqassaaq. Aningaasaqarnermut ataatsimiititaliami akuersissuteqarnermi oqaluuserisaq kommunalbestyrelsimi inaarutaasumik oqaluuserisassanngorlugu nassiunneqassaaq.

Aningaasaqarnermi kingunerisinnaasat:

Pinngaarnertut suliniutit ABC-t imatut ipput:

- A-mik suliniutit	kr. 28.200
- B- mik suliniutit	kr. 14.624
- C-mik suliniutit pingasut ilaareerput	kr. 33.621, aningaasani taakkunani B-mik suliniutini suliniutit
- Taaneqareersut Ilulissani fritidshjemmi	kr. - 9.948, Innaarsunni atuarfik, Tasiusami meeqqerivik,
ABC-mi suliniutit	Katillugit kr. 66.497

Aningaasaliissutit (A-mik suliniutit) taakku, 2022-mi kommunalbestyrelsimit aningaasaliissutareermata ilanngullugit naatsorsugaangippata 2023-mi missingersuusiami aningaasaliissutinut nutaanut aningaasat tamarmiisiut imatut isikkoqalissapput:

BC-mi suliniutit **Katillugit** **kr. 38.297**

D-mik suliniutit inassutaasut:

Suliniutit tullinnguuttut tassaapput sanaartugassatut suliniutit inassutaasut, ilanngullugit kommunimi nunap immikkoortuinit assigiinngitsunit politikikkut suleqatigiissitanit kissaatigisat/pingaarnersiukkat ilanngussukat.

2023-mut polikikkikkut kissaatigisat innuttaasut agguataartarnerinut najoqqutarisamat tunngatillugu missingersuutisstut siunnersuummi sapinngisamik siamasissutut ilanngussorneqarput, tamakkiisutulli allattuiffik ilanngussami kakkiussami takuneqarsinnaalluni.

Suliniutit tullinnguuttut missingersuutit pillugit isumasioqatigiinnerup aamma kommunalbestyrelsip ataatsimiinnerata kingulliup kingornatigut iluarsartuunneqarput.

Suliniut	Missingersuut
<u>Ilulissat</u>	
- Mittarfimmut aqqusineq, Ilulissat	5.000
- Sanaartorfigissaaneq, Ilulissat	2.000
- Asfalterisuineq, Ilulissat	4.000
- Lysregulering Kussangajaanguaq/Mathias Storchip Aqq.	500
- Qinngunnguit nunniornerat	200
- Ilimanami eqqakkat aqquaat	200
- Inuusuttunut inissiat Oqaatsut	450
- Eqqaavissuaq Ilulissat	800
- Utoqqaat inaat Saqqaq aamma Ilulissat	450
- Arsarnersiorfissap eqqaani aqqusineeqqat	200
<u>Uummannaq</u>	
- Sanaartorfigissaaneq, Uummannaq	1.500
- Asfalterisuineq, Uummannaq	3.400
- Iliveqarfik, Uummannaq	1.000
- Sullissivik, Qaarsut	250
- Utoqqarnut inissiat, Uummannaq	450
- Inissiat, Uummannaq	600
- Sullissivik/meeqqerivik, Ikerasak	800
- Nunaqarfinni aqqusernit iluarsaanneri, Uummannaq	1.100

<u>Upernavik</u>	
- Asfaltilersuineq, Upernavik	2.500
- Iliveqarfik, Upernavik	1.000
- Upernavimmi arsaattarfik ivigartaliqaq	500
- Nunaqarfinni aqqusernit iluarsaanneri, ilaatigut Kullorsuaq, Nutaarmiut	800
- Innuttaasut illuat/qatserutinut toqqorsivik, Naajaat	200
- Tulattarfiit puttasut, Upernaviup nunaqarfii	550
 <u>Qaanaaq</u>	
- Aqquserngit iluarsaanneri, Qaanaaq	1.000
- Katersortarfik, Siorapaluk	250
- Kuussuarmik isumannaarineq, Siorapaluk	250
- Tikeraanut illu nutaaq, Savissivik	250
- Innarluutillit illuat nutaaq, Qaanaaq	250
 <u>Ataatsimoorussat</u>	
- Kommunip illuutai, aserfallatsaaliuinerit isaterinerillu	4.000
- Biilit, pisarisat iluarsaassinerillu	4.000
- Stigevogni, Ilulissani Upalungaarsimaffik	3.000
 <u>C-mik suliniutini ilaareersut, ilanngullugit naatsorsugaanngitsut:</u>	
- Meeraaqqerivittaqtutut meeqqerivik, Ilulissat	10.000
- Atuarfimmik iluarsaaneq, Tasiusaq	1.000
- Atuarfimmik iluarsaaneq, Qaanaaq	2.000
- Kuuffissuarnik iluarsaannerit, Uummannaq	2.044
- Ilinniartitsisup illua ataaseq, Qeqertat	2.000
- Ilinniartitsisut illui marluk, Saattut	4.129
- Illu sullissivik, Upernavik Kujalleq	2.000
- Ilinniartitsisup illua, Nuussuaq	500

D-mik suliniutit **Katillugit 41.450**

[Konto Ineriartortitsineq aamma ilinniagaqarneq](#)

Atuarfik, Qaanaaq. Qaanaami atuarfiup iluarsaannissaa pisariaqartinneqarpoq. Ajoraluartumik iluarsaassinissamik ingerlatassamut siullermut sularinnittussarsiornermi neqerooruteqartoqanngilaq. Taamaallit ingerlatassani siulleq tullialu 2023-mi aamma 2024-mi tamakkerlugit sularisassanngorlugit neqeroorutigineqassapput.

Atuarfimmik iluarsaaneq, Tasiusaq. Tasiusami atuarfiup allinissaanik suliassap piareersarnera ingerlanneqarpoq, atuarfioreersumullu iluarsaassinissamut suliniummut atorussat piareersimapput. Taamaallit iluarsaassinerup 2023-mi aallartissarnissaa inassutigineqarpoq.

[Konto Inuussutissarsiutinik ineriartortitsineq](#)

Biilnik pisiortorneq. Kommunimi sumi tamarmi ilaatigut ingerlatsinermik sulisartut suliannik isumaginnissinnaanissaannut biilit nutaat, kiisalu pigisat iluarsaannissaat amigaatigineqartuarpot.

[Konto Isumaginninnermi siunertanut](#)

Utoqqaat inaat Saqqaq aamma Ilulissat. Suleqatigiissitaliamit suliniut pillugu apeqquteqartoqarnikuvoq. Utoqqarnut inissiat, Uummannaq. Uummannaami utoqqarnut inissialiornerit suliassartaanik piareersaaneq suleqatigiissitat apeqqutigisimavaat.

Innarluutillit illuat nutaaq, Qaanaaq. Qaanaami innarluutillit illuata nutaap suliassartaanik piareersaaneq suleqatigiissitat apeqqutigisimavaat.

Konto Teknikki, avatangiisit aamma pilersaaruserneq

Ilulissani sanaartorfigissaaneq, inuussutissarsiunut nunaminertanut tunngasooq eqqaavissuup eqqaani nunatanik ilaqarpoq. Tamanna sanaartorfigissarneqassaaq, taamaalilluni sarfamik pissarsisoqalissamat, nunatarlu toqqissarneqassaaq.

Eqqavissuaq Ilulissat. Suleqatigiissitaliamit suliniut pillugu apeqquteqartoqarnikuuvoq.

Arsarnersiorfissap eqqaani aqqusineeqqat. Suliniutip ilagaa arsnersiorfissap eqqaani aqqusineeraliornissamat pilersaaruserneqassaaq.

Qinngunnguit nunniornert. Suleqatigiissitaliamit suliniut pillugu apeqquteqartoqarnikuuvoq. Ummannami sanaartorfigissaanermiippoq kitaatungaani illoqarfiup ilaa nutaaq, tamaani ilaatigut tassaarsuaqarnissamat aarleqquteqarfiusunit nunaqarfigisanit nuuttunut inissiat amerlanerit pilersaarutaallutik. Aqqusinerik iluarsaassinerit, Qaanaaq. Aningaasaliissutit Qaanaami aqquserngit iluarsaannissaannut atussapput.

Aqqusinerik iluarsaassinerit, Upernaviup aamma Ummannap nunaqarfii. Pisariaqartitsinerup annerpaaffianut aningaasaliissutit atussapput, ilanngullugit Upernaviup eqqaani Nutaarmiuni aamma Kullorsuarmi. Siullertut suliasaq nalunaarsoqqaagaassaaq, tulliatullu suliasat toqqartukkat aallartisarneqassallutik.

Sullissivik, Qaarsut. Qaarsuni Illu Sullissiviup iluarsaannera suleqatigiissitat apeqqutigisimavaat.

Sullissivik/meeqqerivik, Ikerasak. Ikerasammi meeqqerivittut atugaasumik Illu Sullissivimmik iluarsaaneq suleqatigiissitat apeqqutigisimavaat.

Konto Sunngiffik, kulturi aamma upperisaq

Iliveqarfik, Upernavik. Upernavimmi iliveqarfiureersoq maannakkorpiaq inissaaleqiffiuvoq, aningaasaliissutillu atortorissaarutissat siunissamat isumannaarnissaannut atussapput, ilanngullugu ajornanngippat iliveqarfiumut nunatasaanik nutaamik sanaartornissaq.

Iliveqarfik, Ummannaq. Ummannami iliveqarfioreersoq taamatuttaaq inissaaleqivoq.

Upernavimmi arsaattarfik ivigartaliq 2020-mi imaluunniit 2021-mi naammassillugu sanaartorneqanngilaq, taamaattumillu ivigarpianik, kiisalu erngup kuuffissaanik kussiornermik sanaartornissamat inissinissamat ilassutit aningaasaliinerit pisariaqarput, tassalu suliniut 2023-mi naammassineqassappat.

Innuttaasut illuat/qatserutinut toqqorsivik, Naajaat. Suliniut suleqatigiissitat apeqqutigisimavaat. Katersortarfik, Siorapaluk. Suliniut suleqatigiissitat apeqqutigisimavaat. Katersortarfiup kommunimut tunniunnissaaq sulissutigineqarpoq.

Konto Attaveqarfii

Asfaltilersuineq, Ilulissat. Atortunik pisiortornermut, asfaltiorfiup aallartinneranut, asfaltilersuinermit, kiisalu aqquserngit sinaani kussiornikkut nunatami erngup kuuffiliornissaanut aningaasaliissutit atussapput.

Lysregulering Kussangajaanguaq/Mathis Storchip Aqq. Suleqatigiissitaliamit suliniut pillugu apeqquteqartoqarnikuuvoq.

Ilimanami eqqakkat aqqutaat. Suleqatigiissitaliamit suliniut pillugu apeqquteqartoqarnikuuvoq.

Asfaltilersuineq, Ummannaq. Angallattakkatut asfaltiorfimmu 2022-mi asfaltiornermut atortussat ilaat pisarineqarput, taakkulu nutaatut pisanik ilaqartillugit 2023-mi inissineqassapput. Siunnersuisartumik suleqateqarluni aqqusinerit immikkoortunut pilersaarummik ingerlatsinerimik immikkoortorfiup suliaqassaaq.

Asfaltilersuineq, Upernavik. 2022-mi illoqarfimmi aqqusineq takinerusoq asfaltilerneqarpoq. Taamaalillutik sila apeqqutaalluni illoqarfimmi inissineqareersimasooq asfaltiorfik angallattagaq atorlugu atortussat nutaatut pisiat asfaltilersuutigineqarsinnaapput.

Mittarfimmu aqqusineq, Ilulissat. 2022-mi suliffeqarfiutilillu isumaqatiginninniartoqarluni tamakku aallartisarput. Tamatuma kingorna 2023-mi sanaartorfiup nalaa ingerlalissaaq, taamaalillunilu suliniutip suliarinissaanut ilassutit aningaasaliissutissat pisariaqassapput.

Tulattarfiit puttasut, Upernavimmi nunaqarfii. Tasiusami tulattarfimmu puttasumut pituffissaaq, kiisalu pisariaqartitsinerit malillugit Upernaviup nunaqarfiini tulattarfinnik puttasunik iluarsaassinerit suleqatigiissitat apeqqutigisimavai.

Kuussuarmik isumannaarineq, Siorapaluk. Kuummut, najugaasunut qanillivallaarsimasumut misissuisoqarnissaaq suleqatigiissitat apeqqutigisimavaat.

Konto Pilersuineq

Inuusuttunut inissiat Oqaatsut. Suleqatigiissitaliamit suliniut pillugu apeqquteqartoqarnikuuvoq.

Illut, Uummanaq. Uummannami illuliornissat suliassartaannut pilersaarusionerit suleqatigiissitat apeqqutigisimavaat.

Tikeraat illuat nutaaq, Savissivik. Tikeraat illuannut nutaamut suliassap pilersaarusionera suleqatigiissitat apeqqutigisimavaat.

Konto Upalungaarsimaneq aamma pinerluttunik isumaginnittoqarfik

Stigevognip pisiarnera, Ilulissat. Maannakkorpiaq Ilulissani qatseriartortarnermut upalungaarsimaffiup stigevogni (biili tummeqqisartoq) amigaatigaa. Siullermik naatsorsuutigisamut naleqqiullugu qatserutitut biilip marloriaammik akisunerunera paasineqarpoq, taamaalillunilu 2023-mi pisinissamut ilassutissatut koruunit 3 mio.immikkoortinneqassasut inassutigineqarpoq.

Konto Allaffissorneq

Kommunip illuutai. Avannaata Kommuniani kommuni illuutaanik aserfallatsaaliuisarnermi annertunerusumik kinguartooruteqartoqarsimavoq. Tamanna iluarsiivigineqassappat illuutigisanik pisariaqavissumik aserfallatsaaliuinermit naleqqiullugu annertunermik pisariaqartitsivoq, ilanngullugu piffissamut aalajangersimasumut inissitatut aserfallatsaaliuisarnermik pilersaarutigisat, kiisalu illunik isalersunik pisoqqanik isaterinerit. Taamaassappat siunissamut kontomut tassunga amerlanernik aningaasaliissutissanik immikkoortitsisoqartariaqarpoq.

D) Suliniutinut inassutaasunut inerniliussaq, D-mik suliniutit:

Qulaani pineqartutut kisitsisit malillugit 2023-mut sanaartornissamut missingersuutit ataani takuneqarsinnaasutut agguataassapput:

Suliniut	Missingersuut
- BC-ni suliniutit, pitutat/Namm. Oq.-nit aningaasaliissutit	38.297
- D-mik suliniutit, inassutigisatut aningaasaliissutit	41.450
BCD-ni suliniutit	Katillugit 79.747

Taamaalilluni 2022-mit aningaasaliissutit sinneruttut ilanngullugit naatsorsorneqanngippata sanaartornermut missingersuut 2023-mi tassaassaaq kr. 79.747. Taakkunani kr. 33.621 tassaapput Namminersorlutik Oqartussat aningaasaliissutaat. A-mik suliniutinut nuussat kr. 28.200 ilanngullugit naatsorsorneqassappata tamakkiisutut sanaartornissamut missingersuut tassaalissaaq kr. 107.947.

Taamaalisukkut qulaani pineqartut, kiisalu kakkiussatut sanaartornermut missingersuummut ataatsimut isiginniffik malillugit kommunimi suliassa qarfinni aningaasaliissutit imatut agguataarnissaannik tamanna kinguneqassaaq:

Missingersuummut siunnersuut 1	kr.	% + Ataats.	% ÷ Ataats.
Ilulissat	29.829	37%	44%
Uummanaq	15.273	19%	23%
Upernavik	18.145	23%	27%
Qaanaaq	4.000	5%	6%
Ataatsimut	12.500	16%	
Katillugit	79.747	100%	100%

Inuussutissarsiornermi tunngasut:

INUUSSUTISSARSIORNERMUT INGERLATSIVIK	Budget	Ukiut missingersuusiorffiusut		
	2023	2024	2025	2026
Bilag til anvisning + Udlæg Selvstyret		0	0	0
Sammisassaqtitsiniarnermut suliniutit	848	1.897	1.897	1.897
Piginnaangorsaaneq	1.907	1.713	1.713	1.713
Kommunip inuussutissarsiornermut kalluussimanera	9.086	7.644	7.644	7.644
MAJORIAQ	11.056	11.056	11.056	11.056
Annertussulieriikkani ikiorsiisutit	3.722	5.103	5.103	5.103
INUUSSUTISSARSIORNERMUT INGERLATSIVIK	26.619	27.413	27.413	27.413

Suliffissaaleqisunik sulisitsineq

Suliffissaaleqisunut suliniutit, ukiumiit ukiumut, suliffissaaleqisoqassuseq aammalu suliffeqarnikkut pissutsit nikinnerinut, atorneqartuartarmat, missigersuutit allangortinninnissaat siunniunneqarpoq. December 2021-imi suliffissaaleqisut katillugit 256-it suliffissaaleqisut sulisinneqarnerinut kalluarneqarsimapput. Suliffeqanngitsut sulisinneqarnerminni piffissap ilaanni sapaatip akunneri 8-it sulisinneqartarsimapput, ilaalu piffissami sivikinnerusumi sulisinneqarsimallutik.

Piginnaangorsaanaqqiineq

Piginnaangorsarfiusunik amerlanernik suliniuteqarneq nukittorsarneqartuarpoq. Suliffinnik misiliiffiusunik amerlanernik pisariaqartitsineq aallaavigalugu qaammarsaanernik ingerlatsisoqartarluni. Ukiuni kingullerni missigersuutit tamakkerlugit atorneqartanngitsunit, sulisut kivinneqarnissaanut suliniummut aningaasat ilaat 2023-imi atorniarneqarput.

Qaammammiit qaammammut piginnaangorsartut amerlassusaat nikerarpoq. Ukioq manna qaffasinnerpaajummat, innuttaasut 30-it missaat piginnaangorsaanaqqiineq aqquutigalugu suliffimmik misiliisinneqarput.

Inuussutissarsiutit pillugit Avannaata Kommuniata kalluusimanera

Tunngaviusumik inuussutissarsiornermi siuarsaaneq. Avanna Development-imut ingerlatsinermut tapiissutit. Ilulissat – aamma nunap immikkoortua tamaat ataatsimut isingalungu - isumasioqatigiittarfiittut, nittarsaassivittut ukiuuneranilu ornittakkatut inerisarlungulu inerisarnera.

Avannaani inuussutissarsiorneq

Inuussutissarsiornermi siuarsaaneq, isumasioqatigiisitsinerit pikkorissartitsinerillu. Sulisunut aningaasartuutit angalanerillu, piginnaasamik qaffassaataasumik pikkorissarnerit.

Nunaqarfinnut isorliunerusunullu aningaasaliisutit aqunneqarnerat, taakkua kr. 2,596 mio. bloktilskud aqquutigalugu aningaasalerneqartut.

Inuussutissarsiuteqartunut aallartisaasunullu pikkorissartitsinerit isumasioqatigiisitsinerillu. Suliffeqarfinnik attaveqarneq annertusangaq siunnersuinerillu.

Inuussutissarsiornerup ineriartoqqinnissaanut sammisunik avammut suleqatissanik ujartuineq suleqateqarnerlu, minnerunngittumik avataanik aningaasaleerusinnaasunik soqutiginarsaaqataaneq.

Avannaani takornariaqarneq

Takornariaqarnermi siuarsaaneq, isumasioqatigiisitsinerit pikkorissartitsinerillu. Sulisunut aningaasartuutit angalanerillu.

Ilulissani takornarissanut paasissutissiisarfimmik ingerlatsinerimi aningaasartuutit, paasissutissiisartutut sulisoqarneq ilanngullugu, taassumalu aasaanerani ikiorteqarnissaa.

Nittarsaassineq nunanilu avannarlerni takornariaqarnikkut suleqatigiinneq, taamatullu nunap immikkoortuani sanilerisatsinnut, Kommune Qeqertalimmi Qeqertalik Business Council-imik qaninnerusumik suleqateqarneq.

Suliniutinut paasissutissat	2023	2024
Inuussutissarsiormut takornariaqarnermullu isumasioqatigiisitsinerit	Illoqarfik 3	Illoqarfik 3
	Nunaqarfiit 1	Nunaqarfiit 1
Mittarfiup tallineqarnissaanut atatillugu inuussutissarsiornikkut takornariaqarnikkullu attuumassutilinnit workshop-ertitsineq	Illoqarfik 2	Illoqarfik 2
Avannaata kommuniani suliffeqarnermut siunnersuisooqatigiit isumasioqatigiinnerat	1	1
Takornariaqarnermik inuussutissarsiormillu siuarsaaneq siunertarlugu pikkorissartitsinerit	Illoqarfik 2	Illoqarfik 2
	Nunaqarfiit 1	Nunaqarfiit 1
Inuussutissarsiutinut siunnersortit piginnaasaatigut qaffassaavigineqarnerat	1	1

Majoriaq

Ukiuni kingullerni missigersuutit siunertamut tamakkerlugit atorneqartarmata allanngortinneqaratik ingerlaannassasut siunnersutigineqarpoq.

Majoriat ingerlanneqarnerannut annertuumik Namminersorlutik Oqartussanit tapiissutinit ingerlatsinerimut tunniussisoqartarpoq. Taamaalilluni Naammassisassatut isumaqatigiissutit kommuunimit suliniutigineqartarlutik.

Namminersorlutik Oqartussat kommunillu akunnerminni isumaqatigiissut aallaavigalugu sumiiffinni atuartut amerlassusiligaanerat naapertorlugu ingerlatsinerimut aningaasaliissutit tapiissutigineqartarput.

Ukiumiit ukiumut, Majoriat ataani anguniangassioqarneq ingerlanneqartarpoq. Inuusuttut inuiaqatigiit aaqquissaaneranani nalunaarsorsimangittut siuarsarlugit ilinniartinnut sulisartunullu appakaatsinniarneranni immikkut suliniarneq ingerlanneqassaaq. Majoriat ataani sulisusut, piginnaasaatigut qaffassartuarneqarnerat suli pilersaarutini ilaatinneqarput.

Ukioq 2023, Majoriat ataani, ilinniartut ineqarfii, pitsannorsaaviginissaanut missigersuutit iluini atuisoqarnissaa siunertanut ilaavoq.

Suliffeerunnermik ikiorsiissutit

Suliffeerukkallarnermik ikiorsiissutit, inatsisitigut pituttungaapput, innuttaasut namminneq pisussuutiginaq suliffissaaleqinermik eqqungaaneqatigut, tunisassioffinnit angerlartitaasunut aammalu napparsimanerimut atatillugu sulisinnaanngikkallarnermi, tunniunneqartartuullutik. Inatsit tunngavigalugu Suliffissaqartitsiniarnermi suliniutit, aammalu pikkorissaanerit ingerlanneqarneratigut konto una appartinniarneqartarpoq.

Immikkoortortaqaqarfimmi naliliineq

Missingersuutit saqqummiunneqartut pisariaqartitsinerimut naapertuuttut ingerlatsivimmik nalilerpagut, piviusorsioortumillu angusaqarnissaq qulakkeerniarlugu atorfik ataaseq inuttaqanngittoq inuttassarsiorlungu aallartinneqassooq, taamaalilluni ukioq missingersuorsioortuq 2023 anguniakkanik annerusumik piviusunngortitsiviusinnaanerussalluni.

Ilaqutareeqarnermut tunngasut:

ILAQUTAREEQARNERMUT INGERLATSIVIK	Missingersuutit	Ukiut missingersuusiorffiusut		
	2023	2024	2025	2026
Akeqanngitsumik ulluunerani paaqqinnittarfimmiisitsinerit	256	256	256	256
Ikiorsiinerit meeqqanut inuusuttuaqqanullu	68.782	66.419	66.419	66.419
Siusinaartumik suliuunaarnersiuutillit	55.190	55.190	55.190	55.190
Uersakkanut akilersuutit	292	292	292	292
Pisortaniit ikiorsiissutit	5.550	5.550	5.550	5.550
Isumaginninnermut aningaasaleeqataassutit allat	7.193	8.275	8.275	8.275
Utoqqarnik isumaginninneq	90.465	92.633	92.633	92.633
Innarluutilinnut immikkoortortaarfik	97.880	100.426	100.426	100.426
Isumaginninnikkut aningaasartuutit allat	570	675	675	675
ILAQUTAREEQARNERMUT INGERLATSIVIK	326.178	329.716	329.716	329.716

Ilaqutareeqarnermut Ingerlatsivik

Missingersuutit suliarineqarpoq suliaqarfinni immikkuutitaartuni kisitsisut atuuttut tunngavingalugit, aammalu ukiup siuliani aningaasat atorpeqarsimasut tunngavingalugit.

Paaqqinnittarfinni akeqanngitsumik inissat

Missingersuuserneqarpoq killiffik aallaavingalugu, ukiullu siuliini atuneq tunngavingalugu. Aningaasartuutit ukiut nikerarneranni nikerarpallaangillat, taammaattumillu missigersuutit ilanngaallalaaraluartut allannguuteqarujungillat.

Meeqqanut inuusuttunullu ikiorsiissutit

Meeqqanut ikiorsiisarnermi ukiup missingersuuteqarfiup ingerlasup ukiullu sinneranut atuneq aallaavingalugu, kiisalu meeqqat angerlarsimaffiup avataanut inissinneqarsimasut amerlassusaat suliniuteqarfigneqarnerat, akillu atuuttut tunngavingalugit missigersuuserneqarput.

Meeqqanik ilaqutariinnillu pisariaqartitsineq annertuvoq, persuttaanerit, kinguaassiutitigut kanngutsaatsuliortarnerit meeqqallu sakkortuumik qisuariaateqartarnerat, ilaatigut eqimattani inuiaqatigiinnut annertuumik kinguneqartitsisartumik. Meeqqat angerlarsimaffiup avataaniittut missigersuusiornerup nalaani 94-upput.

Meeqqanik ilaqutariinnillu sullissineq pitsanngorsaaviginiarlugu suliniutit assigiinngitsut ingerlatsivimminnganniit ingerlanneqarput, ilaatigut ulluinnarni ingerlatsineri aallartisalereersimallutik, allallu piareersarneqarlutik.

Børnehuset misiliutitut aallartereerpoq, sullissinermilu Ilulissani misileraatitut socialstyrelse suleqatingalugu aallartereerluni. Tassani meeqqanik kinguaassiutitigut killissamik qaangiiffigneqarsimasut sullinneqarnerat eqaallisarniarneqarpoq, suliffeqarfiit suliaqarfiillu suleriarnermi katersuuffiusumik Ilaqutariit Illuanni sullissinerat ingerlanneqartarluni. Taassani siunertaalluni meeqqat assigiinngittunut ornigutsinneqattaarnani, meerarli sumiiffimmi ataatsimi sullinneqarluni suliaqarfiit assigiinngitsut suleqatigalugit. Ilaqutariit tamarmik ataatsimut sullinneqartarnissaat tassuunakkut qulakkeerneqartassaaq. Kalaallit qallunaallu oqartussaasoqarfiisa suliniuteqarfigneqatigiinneranni aningaasaliisoqarneratigut suliaq ingerlanneqarpoq.

Familierådslagningimi pikkorissarnerit aallartisarneqarput, ukiullu 2023 ingerlanerani ilinniartitsinerit socialstyrelsemit ingerlanneqartut naammassineqartussaallutik, suliffeqarfiit meeqqanik sullissiviusut meeqqamik ilaqutaasut suleqatingalugit unammillernartunik qaangiiniarnermi tapersersoqarneqartassallutik. Taassuma siunertarivaa meeraq sullinneqartoq qitiutillugu nukittuffiit atorlugit meeqqat ineriartornerani atukkatigullu tapersorsorneqartarnissaat. Ilinniartitsinerit ilutigalugit suleriuseq 2023-mi atuutsikkiartuaarneqassooq, sapinngisamillu illoqarfiit kommunimiittut aamma ilinniartinneqarnerat ingerlanneqassalluni.

MANU ilaqutariit siusissukkut aammalu naartuernerminngaanniit suliniuteqarfingineqartarneranut tunngatillugu Avannaata Kommuniiani illoqarfinni tamaneersunik peqataataaffigineqartunik instruktøritut pikkorissaanerit ingerlanneqarput. Instruktøritut ilinniarnermi naammasissusar Avannaata kommuniani suleqatigiminnut ilinniartitsisinnaalernissaat periarfissaavoq. Siusissukkut suliniuteqartarnerup siunertaraa angajoqqaanngortussat meeqqanut isumassuinissamut, pinaveersaartitsinerimut meeqqallu 0-6 år atungaanut pitsaasumik ineriartortinneqarnissaanut najoqqutassiaq, angajoqqaanut suliniuteqarfiusoq. Imminut toqunnissamik eqqarsaateqartartunut, sullissisunut pikkorissaasartussamik ilinniartitsineq ingerlanneqarpoq, ilaqutareeqarnermut ingerlatsivimminngaanniit peqataasoqarluni. Imminut toqunnissamut eqqarsaateqartartut, aammalu inuusuttuaqqat suli 18-nik ukioqalersimangittut imminut toqunnissamik siorasaarisut takussaasarput, taamaatumillu meqqaanik ilaqutariinnillu sullissisut angalasartut ilinniartitsisussatut peqataatinneqarput, sullissisunut tamatut pisoqartillugu tapertaallutik sullisseqataasussatut siunertaqarfingineqarlutik.

Ilaqutareeqarnermut Ingerlavik inuusuttunut sullissivimmik pilersitsinissamik periarfissamik misissuivoq. Meeqqat inuusuttullu saaffissaqarsinnaanerit siunertarineqarluni. Meeqqat 18-nit inorlugit ukiullit suliniuteqarfingineqartassapput, pisariaqartitaat aallaavigalugit tapersorsorneqarlutik, ilinniartinnut suliffeqarfinnut kiisalu inuiaqatigiinnut peqqinnartumik inuiaqataannissaanik kaammattorneqartarlutik, asiliartinneqarsinnaallutik assigiinnngittutigullu sammisassaqartinneqarlutik.

Inuusuttut 18-niit 23-at ilanngullugit ukiulinnut suliniuteqareernermit malitseqartitsilluni suliniuteqarfingineqarnissamik meeqqat tapersorsorneqarnissaannut inatsit malillugu neqeroorfingineqarsinnaapput. Suliniuteqarfingineqartussatut neqeroorfingineqarsimasut inuusuttut angerlarsimaffiup avataani inissinneqarsimasut utaqqiisaasumik – ulloq unnuarlu angerlarsimaffinniikkunnaarlutik pingasukkaarlutik ineqartinneqarsinnaassapput, ingerlariaqqinnissamut nammineernissaminnut aqutissiuunneqartarlutik.

Inuusuttunut sullissivimmi attuumassuteqartussamik tassanngaannartumik inuusuttut annertuumik pisariaqartitsilerfiani assersuutigalugu angerlarsimaffiup avataanut inissinneqartussanngoriaasaarfiini ulloq unnuarlu angerlarsimaffinni nunatsinni inissaqanngikkallarnerani, utaqqiisaasumik inissinneqartussanngortoqartillugu ulloq unnuarlu paaqqutarineqartariaqartumik immikkoortortaqqarfeqassaaq. Inerisaanerimut Ingerlatsivik peqatigingalugu aaqqiissuteqarfingineqareersumik inissaqartitsisoqarpoq, tassa inut pingasut kolligiami sulisulerlugit atorneqarsinnaanerit qulakkeerneqareermat.

Siunertaq una pineqartoq missingersuutinut ilanngullugu naatsorsuutigineqanngilaq, ataanilu aningaasaqarnikkut kingunerisassat saqqummiunneqarput immikkut akuerisassanngorlugit.

[Siusinaartumik suliunnaarnersiutillit](#)

Siusinaartumik pensionisiallit missingersuutaat ukiup siulianut sanilliullugu appasinneruvoq. Kisitsit tunngavigalugit pisartagaqartut amerlassusaat, kaajallaataq malillugu annertussusiisarnerit, utoqqalinersiaqalernissamut ikaarsaariartussallu naatsorsuutigalugit aningaasat atorneqartussat missingersorneqarput.

Pisartagaqartunut tunniunneqartartut 1. juli 2022 kaajallaataq malillugu annertusinikuungaluartut missingersuutit appartineqarput, pisartagaqartut amerlassutsikkut ikiliallannikummata missingersuusionermi inut 451 pisartagaqartuullutik.

Siusinaartumik suliunnaarnersiutisiallit aammalu Pisortanit ikiorsiissutit aqutigalugit sulisunnngorsarneqarlutik sulilersinissamut ikaarsaartinniarneqartut sammisassamik peqataaffigisinnaasaanik pilersitsinissaq siunertaralugu, Majoriaq suleqatingalugu Kofoed skole attavilersorfigineqarpoq. Tassani siunertarineqarpoq innuttaasut sulisunnngorsarneqarnermut ikaarsaartinneqarneranni inuttut aammalu piginnaasatigut piginnaanngorsarneqarnissaat; ulloq siunertaqartumik, nammassisaqarfiusumik, avatagiisitigullu tapertaqarsinnaanermik periarfissaqartitsilissammat.

[Meeqqanut akilersuutit](#)

Meeqqanut meeravissiarternullu atatillugu meeqqanut akilersuutit pineqarput.

Taakku akilersuisarneq akiliussannut akiliussigallarnertut atorneqartarpoq, meeqqanut akilersuutit aningaasartuutit Namminersorlutik Oqartussamik matussuserneqartarmata. Akiliussigallarnermut aningaasartuutit qaammat ataatsimik kingusinnerusumik kommunip pissarsiarisarpai, taamaattumik aningaasaanik missingersuuteqartinneqarluni.

Pisortaniit ikiorsiissutit

Aallartittumik 1. januar 2023 pisortanik ikiorsiisarnermut inatsit allannguuteqassooq, taassumallu kingunerisaanik aningaasatigut toqqaannartumik ikiorsiisarneq atuukkunnaartussalluni. Aningaasatigut ikiorsiisarneq suliffissarsiornermik siunertaqarpat, taamatullu nalunaarsoneqarneq tunngavingalu jobsøgningsydelsemik taallugu ikiorsiinerit pisalertussaapput, taakkualu Majoriami ingerlanneqartalertussaapput.

Ilaqutareeqarnermut immikkoortortani sullinneqartussat tassaalissapput sullitanik inuttut piginnaangorsaanerit, sullitat sulisinnaassusaat apparsimappat sulilersinnaanissamut aqqutissiuussineq. Taassuma nassatarisaanik innuttaasut sammisassanut peqataanissamik aaliagiisinnaassaaq, soorlu oqaloqatiginninnernut, sammisassanut, sulinermit sungiusanermit inuttut ineriartornermut pikkorissartitsinerit assigisaanullu.

Taasuma saniatigut pisariaqartitsineq malillugu ikiorsiissutit allat, tassanngaannartumik ataasiartumik ikiorsiissutit, ataasiartumik aningaasartuutit, nuunnermi ikiorsiissutit, ilisinermi aningaasartuutit, qanigisat perulunnera aamma/imaluunniit toqusoqarnerani ilisinermiluunniit ikiorsiinerit kiisalu nunani allani inuiattut innuttaassuseqartunut angerlartitsinerit ikiorsiissutaasinnaapput. Tassanili piumasaqaateqarpoq assersuutingalugu suleriaannaangitsut suliffissarsiorlutullu allaqqanissamik.

Isumaginninnermi aningaasartuutit allat

Ineqarnermut tapiissutit, meerartaarnermilu ullormisiaqartitsineq, meeqqanullu tapit ukiup siulianut sanilliullugit malunnaatilimmik allannguuteqanngillat, atuinerlu tunngavingalugu missingersuuserneqarlutik. Ineqarnermut tapiissutit appartinmeqarput, ukiup siuliani aningaasartuutit tunngavingalugit missingersuuserneqarlutik. Ukiup siuliani atuneq ukiut siuliinit annikinneruvoq, taperneqarnissamut qinnuteqartut annikilliartronerat pissutingalugu.

Angerlarsimaffeqanngittunut unnuisarfimmut missingersuutit appartinneqarput, ukiup missingersuuteqarfiusup ingerlanerani atuneq malunnaatilimmik appariaateqarsimammat. Unnuisarfiup aallartisarnerata nalaani atuisarneq annertunerusarsimangaluartoq, maannakkut sulisoqarnikkut aaqqissuusseqqissimaneq ingerlatsinikkullu aaqqiisimanerit tunngavingalugit atuneq pitsannguuteqarsimavoq.

Utoqqarnut isumaginninneq

Utoqqalinersiat qaammammumt siumoortumik tunniunneqartarput. Namminersorlutik Oqartussanit 90 % matussuserneqartarput 10 % kommunit aningaasartuutaasarluni. Utoqqalinersianut missingersuutit pisartagaqartut nutaatullu pisartagaqalersussat tunngavingalugit missigersuuserneqarput.

Utoqqalinersiat 1. juli 2022 aallarnerfingalugu tunniunneqartartut qaffanneqarnikuupput, taamaattumillu missingersuusernermi malunnaateqarlularput.

Juni 2023 Upernavimmi utoqqaat illuata ilassutaa naammassisussatut siunniunneqarsimavoq. Illup iluani pigisat nikerartut soorlu siniffiit, nerriviit atortussallu allat ilaat pisiariartorneqareerput, ilaalli suli pisiariartortariaqarput taakkualu aamma eqqarsaatingalugit missingersuutit annertussuserneqarlutik.

Innarluutilinnut tunngasut

Malunnaatilimmik qaffaavigineqarput, inuit innarluutillit nunatsinniittut Danmarkimilu inissinneqartut ilinniagaqartullu akilersuunneqartut amerlisimanerat pissutingalugu. Inuit nappaammik imaluunniit allatigut eqqungaallutik atortussanik – hjælpemidlemik imaluunniit tapersorneqarnissamik pisariaqartitsisut ikorfartorneqarsinnaanerit inatsisitigut periarfissaalernikuuvoq taamaattumik aningaasatigut aamma malunniutaalluni qaffaasariaqarnermik kinguneqartitsivoq.

Qaanaami meeqqanut innarluutilinnut ornittagassaq missingersuutinik siullermeerinninnermi aningaasalerneqarluni ilanngunneqartussatut suliakkiunneqartoq missingersuutini nalimmassarneqarluni ilanngunneqarpoq, tapersersortinut aningaasarsiat qaffaavigineqarlutik. Siunertaq Inerisaanermit ataatsimiititaliamit illutassaa akuerineqareemat, suliniut piviusumik aallartisarmissaa piareersaatigineqarluni. Politikikkut aappaattut suliakkiutigineqartumut Qaanaami innarluutilinnut najugaqatigiiffimmik pilersitsinissamik siunnersuummut tunngatillugu siullermeerinninnermi siunertamut ataatsimiititaliaq ilaliivoq, pilersitsinissamullu periarfissanik illutassamik sulisoqarnermullu tunngassueqartunik misissuinissaq siunniunneqarpoq.

Isumaginninnermi aningaasartuutit allat

Isumaginninnermi aningaasartuutit allat iluani Ilulissani qimarnguit ukiumut aaliangersimasumik aningaasaliiffigineqartarpoq kr. 370.000 annertussuseqartumik.

Konto iluani angajaarniutininik atorneerluinermut katsorsaaneq ingerlanneqartarpoq. Innuttaasut ineriartoqqinnissaanut periarfissaq, meeqqat angerlarsimaffiup avataanut inissinneqannginnissaat anguniarlugu, meeqqat angerlarsimaffiup avataanut inissinneqareersut angerlarteqqinnissaat, taavalu førtidspensionistitut qinnuteqartut ikilisarniarlugit, suliffissaaleqisullu sulitileqinnissaanut peqquataallutik suliniut ingerlavoq angajaarniutininik atorneerluineq katsorsaaneermut.

Missingersuutit malunnaatilimmik qaffaavigineqarput, pisortanik ikiorsiissutitut inatsit nutaaq tunngavingalugu, innuttaasunut katsorsartitsinerit neqeroorutaanissaat piumasaqaatigineqarmat. Illoqarfiit katsorsaaneermik ingerlatsiviusartut tamarmik neqerooruteqarnissaat periarfissinneqarluni.

Inerisaanermut tunngasut:

INERISAANERMUT INGERLATSIVIK	Budget	Ukiut missingersuusiorffusut		
	2023	2024	2025	2026
Ulluunerani paaqqinnittarfinnut immikk. Meeqqanut inuusuttuaqqanullu	84.710	84.710	84.710	84.710
Atuarfeqarneq	174.909	176.499	177.507	178.845
Atuangaateqarfeqarneq	643	615	615	615
Ikorsinerit meeqqanut inuusuttuaqqanullu	5.981	5.981	5.981	5.981
Sunnigiffimmi sammisasaqartitsivik & kultur-ikkut suliniaqatigiiffinnut tapiissutit	41.844	35.844	35.844	35.844
Katersugaasiviit	3.267	3.267	3.267	3.267
INERISAANERMUT INGERLATSIVIK	311.354	306.916	307.924	309.262

Inerisaanermut ingerlatsivik

Ilinniarnermut Ingerlatsivik ataatsimiititaliamut saqqummiussivoq missingersuutit 2023-mut siunnersuummik. Siunnersuutip pingaarnertut imavariaa, ICC-p Ilulissani 2023 julimi ataatsimeersuarnissaanut aningaasaliissutit kr. 6 mio. Taassuma saniatigut aappassaaneerinninnermi missingersuutit 2022-imut sanilliullugit Ulluunerani neqeroorutit kr. 3,6 mio. nalinganut suliniutinik nutaanik siunnersuuteqarput, assinganillu sipaarniutinik kr. 0,6 mio. siunnersuuteqarlutik. Atuarfeqarfiit suliniutinik nutaanik siunnersuuteqarput kr. 2,1 mio. nalinginut. Sipaarniutinik nutaanik siunnersuutit nalingivaat kr. 2,7 mio. Peqqik Sunngiffimmiillu suliniutit nutaat siunnersuutigineqartut kr. 4 mio. naleqarput.

Pinaveersaartitsineq

Siunnersuutigineqartoq tassaavoq aningaasarsiat qaffaassutaannik nalimmassaaneq. Aningaasarsiat agguaqatigiisinnerini qaffaassut uani pineqarpoq. Innuttaasunut siusinaartumik pinaveersaartitsineq aallunneqarpoq. Namminersorlutik Oqartussat peqqinnerulernissamut siusinaarluni pinaveersaartitsinermut kommunit akimorlugit suleqatigiinnerat, aamma FN-ip anguniagai aallutarineqarput. Assersuutungalugu utuqqaat ulluinik malunnartitsineq assingisaallu.

Ulluunerani neqeroorutit

Ataatsimut siunertani aningaasaliiffigineqartussat siunnersuutaasut tassaapput, Ulluunerani neqeroorutini pisortat tullersortillu tarnip pissusaanik immikkut ilisimasalimmik oqaloqateqartarnissaat. Upernavimmi atorfinitsitsinermi utaqqiisaasumik inissianut inissiinermi aningaasartuutissat. Sulisugissaaneq Avannaata Kommuniiani ingerlanneqartussat aningaasanik immikkoortitsisoqarnissaanik siunnersuuteqartoqarpoq. Atortorissaatutit Intra Krea pisiarinissaanut aamma ingerlatsinermut aningaasartuutissat amerlassusissaat siunnersuutigineqarput.

Aningaasarsiat Kattuffiit Namminersorlutillu Oqartussat isumaqatigiissutaat malillugit nalimmassaaneq. Ukkusissani, Qaarsuni aamma Aappilattumi sulisunik ilassusiineq, angerlarsimaffimmi paarsisut meeqqerivinnortinnerisa kingunerisaanik.

Sipaarniutissat siunnersuutigineqarput sulisugissaanermi aningaasartuutissat annikillisinneqarnerat aamma Ilimanami angerlarsimaffimmi paarsisutut atorfik atorunnaarsinnissaa, atuiniaarlutik utaqqisuni allassimasoqangimmat.

Atuarfeqarfiit

Atuarfeqarfinni suliniutit nutaat tassaapput, Peqqik Sunngiffimmiit atuartut Fredericiamut atuariatortarnerat atuarfeqarninnut missingersuutaat nuutsinneqarnerat, taassumalu saniatigut sunngiffimmi atuartitsinermi missingersuutit nuutsinneqarput.

Ataatsimut siunertani aningaasaliiffigineqartussat siunnersuutaasut tassaapput, Ulluunerani neqeroorutini pisortat tullersortillu tarnip pissusaanik immikkut ilisimasalimmik oqaloqateqartarnissaat. Atuartitsinermi atortorissaarutit periarfissatut atuutsinneqartut CLIO aamma EyeJustRead ingerlatsinermut aningaasat atugassat siunnersuutigineqarput.

Aningaasarsiat Kattuffiit Namminersorlutillu Oqartussat isumaqatigiissutaat malillugit nalimmassaaneq. Upernavimmi aamma Qaanaami atuartut angerlarsimaffiini suisunik ilassusiineq pisariaqarpoq Inatsisartut peqqussutaat naammassineqassappat.

Atuarfeqarfinni sipaarniutissat siunnersuutigineqartut tassaapput eqqiaanermut aningaasartuutit ilanngarnissaat, qarasaasianut, KIVITSISA-mut, ilinniartitsisut pikkorissarnissaat, ATTAT-mut aningaasartuutit, Atuarfik Mathias Storch-imi aamma Atuarfik Edvard Kruse-mi kallerup inneranut kiassarnermullu aningaasartuutit nalimmassaaneq, atuartitsinermit atortunik pisiniartarnermi kontop imarisaanik ilanngaaneq aamma Atuarfik Jørgen Brønlundimi, Atuarfik Mathias Storchimi, Atuarfik Edvard Krusemi aamma Prinsesse Margrethep aturfiani pisiniarnermut konto atorneqartartuni ilanngaaneq.

[Sunngiffimmi sammisassaqtitsivik](#)

Aningaasarsiat Kattuffiit Namminersorlutillu Oqartussat isumaqatigiissutaat malillugit nalimmassaaneq. Sammisassat.gl-imut isumaqatigiissut malillugu aningaasartuutissat immikkoortinneqarput. Ivingaasaaqqanut arsaattarfimmi iluarsartuussinissanut aningaasartuutissat siunnersuutigineqarput. Avannaata Kommunia aamma ICC isumaqatigiissuteqarnerat toqqammavingalugu ataatsimeersuarnissaq Ilulissani ingerlanneqassasoq juli 2023. Siusinaartumik meerartaajaartarneq akiorniarlugu atuartunik inuusartitsisarnermut aningaasaliissutissat siunnersuutigineqarput.

[Atuagaateqarfiit](#)

Atuagaateqarfimmi missingersuutit allanngortinneqanngillat. Atuagaateqarfiit atorneqarnerat ullutsinni annikilliarporpoq.

[Katersugaasiviit](#)

Katersugaasivinni katersanik nalunaarsuinissamut aningaasartuutissatut missingiunneqartut siunnersuutigineqarput.